



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Lingonensi, & Abbatи Morimundensi Lingonensis diocesis.

urn:nbn:de:hbz:466:1-20020

„gum Episcoporum
 „vel Actorum parvæ vel magnæ personæ in
 „prædicto venerabili monasterio vel in eis
 „qua eidem venerabili monasterio pertine-
 „re videntur quocunque modo incumbere
 „aut invasionem facere acce-
 „dere vel Missarum solemnia celebrare , nisi
 „ab Abbatे fuerit invitatus ; quatenus hoc
 „quod ad laudem & stabilitatem supradiœti
 „sancti monasterij statuimus firma stabilita-
 „te permaneat. Interdicentes omnino Epis-
 „copo in cuius parochia esse videtur supra-
 „dictum monasterium constitutum ut nihil
 „contra tenorem præsentis decreti pia pos-
 „tulatione induiti quicquam attenter , sed
 „neque ullo modo baptismales Ecclesiæ sibi
 „vindicer.] Et ego Henricus sacrosanctæ
 „Romanae Ecclesiæ Scrinarius una cum
 „Bartholomæo Clerico sancti Petri ad vin-
 „cua horum supradictorum exemplorum
 „authentica privilegia , Dominorum videli-
 „cet Adriani , Iohannis , atque Marini Pa-
 „pæ , videns & perlegens , ut in eis contine-
 „batur , sic in suprascriptis continetur exem-
 „plis , & ex fideliter exemplavi , & signum
 „feci.] Nulli ergo &c. conscriptionis &c.
 „usque incursum. Datum Laterani Idi-
 „bus Junij , pontificatus nostri anno sextodeci-
 „mo.

WARADIENSI ET NITRIENSI
*Episcopis , & Abbati de Egris Cenadensis
 dioecesis.*

Epis. 62.
 Ut dissimilant
 controversiam
 super decimas

EX vestris accepimus litteris quod cùm causam quæ inter venerabilem fra-
 trem nostrum Vesprimensem Episcopum ex parte una & dilectos filios Strigonienfe Capitulum ex altera super quarundam decimis vinearum positarum juxta Strigoniū vertitur experientia vestra sub certa forma duxerimus committendam , vos in ipso negotio propter quasdam exceptions adversus eundem Episcopum ex parte Capituli propositas coram vobis , quas sub vestris sigillis ad nostrum transmisisti examen , & nos sub bulla nostra vobis remitti mus interclusas , procedere distulitis. Vo- lentes igitur ut finis litibus imponatur , vobis per apostolica scripta præcipiendo mandamus quatenus nonobstantibus excepti onibus supradictis in causa ipsa juxta prioris mandati nostri tenorem ratione prævia procedatis , recipientes testes & alias probations Episcopi , quibus uti voluerit , cùm per narrationem ejusdem Episcopi & responsonem Capituli afferentis bona memoriae K. prædecessorem Episcopi se- pedici à quæstione quam super eisdem de-

Tom. II.

cimis coram bona memoria I. Strigonienfi Archiepiscopo adversus idem Capitulum moverat , cùm decimas illas sui juris non esse recognosceret , humiliter destitisse , his intelligi debeat contestata. Si quid autem prætextu decimarum ipfârum venerabilis frater noster Strigonienfi Archiepiscopus contra ipsum Episcopum proponere fortè voluerit audiatis , & auditis hinc inde propositis , causam , si de partium processerit voluntate , sine canonico terminetis. Alioquin eam sufficienter instruam ad nostram audientiam remittatis , præfigentes partibus terminum competentem quo per te vel procuratores idoneos nostro le conspectui repræsentent justam dante Donino sententiam recepturæ. Vos denique , fra- tres Episcopi & fili Abbas , super vobis ipsis &c. Datum Laterani v. i. Kalendas Junij , pontificatus nostri anno sextodecimo.

EPISCOPO LINGONENSI,
*& Abbati Morimundensi Lingonensis
 dioecesis.*

AVditis & intellectis quæ super inqui-
 sitione facta contra venerabilem fra-
 trem nostrum Archiepiscopum Bisuntinum
 fuere proposita coram nobis , quia per de-
 positiones testium constitut evidenter ip-
 sum clericos , cùm eos promovebat ad or-
 dines , fecisse promittere data fide quod
 eum per sedem apostolicam vel per alium
 super obtinendo beneficio non vexarent ,
 ut puniatur in quo deliquit , eundem à col-
 latione ordinum duximus suspendendum ,
 & quandiu nobis placuerit volumus mane-
 re suspensum. Interim autem per aliquem
 de suffraganeis Ecclesiæ Bisuntinae , cùm
 necessitas postulaverit , clericis Bisuntinæ
 dioecesis ordines conferri mandamus. Ce-
 terum quoniam idem Archiepiscopus super
 virtus simoniacæ ac lapsu carnis necnon ven-
 ditione justitiae dinoscitur infamatus , super
 iis ei purgationem cum tertia manu Episco-
 porum suæ provinciæ vel etiam vicinarum
 & trium Abbarum Bisuntinæ dioecesis bonæ
 opinionis & vitæ , qui conversationem ejus
 cognoverint , indicentes , discretioni ves-
 tra per apostolica scripta mandamus quatenus ab eo infra tres menses præfixos à no-
 bis hujusmodi purgatione recepta , ipsum
 super illis articulis boni testimonij publicè
 nuntietis. Quod si forte in purgatione de-
 fecerit , ipsum à pastorali regimine amo-
 ventes , faciat Ecclesia Bisuntinæ de per-
 sona idonea provideri. Vos denique , fra-
 ter Episcopi & fili Abbas , super vobis
 &c. Datum Laterani v. i. Kalend. Junij ,

Epis. 63:
 Canonica par-
 gatio indicat
 Archiepiscopo
 Bisuntino.
 Vide infra epis.
 158. & lib. 1.
 epis. 177. &
 lib. 14. epis.
 125.

FFff ij

780 Epistolarum Innocentij III.

pontificatus nostri anno sextodecimo.

*ABBATI SANCTI FLORENTII
Salmuriensis.*

*Epiſt. 64.
De primatia
Bituricensi.
Vide epif. 172.*

Constitutus in praesentia nostra venerabilis frater noster Burdegalensis Archiepiscopus nobis humiliter supplicavit quatinus cum venerabilis frater noster Bituricensis Archiepiscopus in provincia sua jus primatariae ad se afferat pertinere, super hoc causam inter eos committere dignaremur. Quocirca discretioni tuae per apostolica scripta mandamus quatenus duobus viris providis & honestis, quorum unus à parte una, reliquus verò ab altera tibi præsentetur, assumptis, causam super hoc audias cum eisdem, & usque ad diffinitivæ sententiae calculum procedens in ipsa, tandem ad nos remittas sufficienter instruētam, præfixo partibus termino competenti quo per se vel procuratores idoneos nostro se conspectui repræsentent justam auctore Domino sententiam recepturæ. Tudenique filii Abbas &c. Datum Laterani vi. Idus Iunij, pontificatus nostri anno decimosexto.

*EPISCOPI PER
Burdegalensem provinciam constituta.*

*Epiſt. 65.
De eadem re.
Vide lib. 15
epif. 47. 130.*

Cum olim venerabilis frater noster Bituricensis Archiepiscopus auctoritate primatariae quam in provincia vestra sibi afferit pertinere venerabilem fratrem nostrum Burdegalensem Archiepiscopum à metropolitæ dignitatibz officio suspendisset pro eo quod ad suum vocatus Concilium accedere non curavit nec pro se aliquem responsalem idoneum destinare, ac super hujusmodi suspensionis sententia fuissest inter eundem Bituricensem & dilectum filium magistrum Amanum procuratorem ipsius Burdegalensis Archiepiscopi coram nobis diutius disputatum, tandem de fratum nostrorum consilio sententiam ipsam ratam habuimus & usque ad satisfactionem idoneam præcepimus observari; hoc ad cautelam expresso, quod lis coram nobis, non de primataria, sed de sententia, extitit ventilata. Postmodum verò credentes ad satisfactionem sufficere competentem, pro predicta sententia relaxanda, ut memoratus Burdegalensis Archiepiscopus per se ipsum aut alium virum idoneum ad praesentiam dicti Bituricensis accederet, relaxationem ejusdem sententiae humiliter petiturus, & promissurus firmiter sub suarum, si necesse fore, testimonio litterarum quod ad ejus Concilium vocatus accede-

ret, facturus quod foret faciendum de jure, per litteras nostras ipsi Bituricensi dille meminimus in preceptis ut cum à Burdegalensi predicto foret taliter requiritus, predictam non differet sententiam relaxare, nullam penam inflaturus eidem, si fortè dictam sententiam non servarat, antequam per nos declaratum fuisset an esset eadem observanda; venerabili fratri nostro Turonensi Archiepiscopo & coniudicibus suis per scripta nostra mandantes ut Bituricensi jamdicto in mandati nostri executione cessante, ipsi spedictam sententiam relaxarent absque praejudicio juris sui. Nuper autem idem Burdegalensis Archiepiscopus ad nostram praesentiam accedens proposuit coram nobis quod de hujusmodi confirmatione sententiae nihil unquam per litteras ipsius Bituricensis aut nuntium sibi fuerat intimatum. Propter quod ipsam petiit à nobis humiliter relaxari. Nos igitur volentes utrique paterna sollicitudine providere, sententiam relaxamus memoratam, firmam promissionem recipientes à Burdegalensi predicto quod vocatus accederet ad ipsius Bituricensis Concilium, facturus quod de jure fuerit faciendum. Vos denique, fratres Episcopi, super vobis ipsi &c. Datum Laterani viii. Idus Iunij, pontificatus nostri anno sextodecimo.

*ABBATI DE MELLIO
Patavienensis dioecesis & Preposito sancte
crucis Augustenensis.*

Oblata nobis ex parte venerabilis fratris nostri Salzeburgensis Archiepiscopi petitio continebat quod infra fines parochiae sue in insula quæ Chiemense vocatur duo sunt monasteria constituta; quorum unum moniales inhabitant, aliud verò Canonici regulares. Verum moniales abjecto penè penitus jugo modestæ regularis, sine fræno pudoris & verecundia obice evagantur per campos licentiae dissolutæ, ac sic se motibus exposuerunt carnalibus quod locus in quo habitant dici potest lupanar portiùs quam oratorium ab effectu. Dicitus autem Archiepiscopus ad expurgandam tantam labem volens extenderre manus suas, ut eodem moniales divisæ per alia religiosa cœnobia fortè proficiant, quæ in suo collegio merito deficiunt & exemplo, mutuo contagio corruptæ, proposuit quod ipsi per alia loca, in quibus religio floreat, collocatis, cathedram ibi pontificalem instituat, & bonis ipsius monasterij cum possessionibus quas ipse pro-

*Epiſt. 66.
De insulano
episcopante
in insula Che-
mene.
Vide tom. 1. Mi-
trop. Salicj. art.
pag. 131. 132.*